

江左下王自署檢



後三



重

訃

戴

爪

山

廣

溫

楚

論

四

齊

方

一

齊

袁勵準署



重訂戴北山廣溫熱論序

北山此書以溫熱與傷寒辨條分縷晰逐病疏明傷寒之治不混於溫熱溫熱之治不混於傷寒誠於秦越人四曰熱病五曰溫病之異於二曰傷寒者分疆畫界不得飛越一步矣然其書明是溫熱而其書名則曰廣瘟疫推其命名之意固本於吳又可瘟疫論而欲有以廣之故篇中或稱疫癘或稱時疫或單稱疫一若自忘其爲論溫熱者是傷寒之與溫熱北山能辨之而溫熱之與瘟疫北山亦混之矣余始不解其故久之而始恍然悟曰吳氏書名瘟疫而不自知其所論但爲溫疫戴氏專論溫熱而不自知其書之不可以名瘟疫更

合兩家觀之在吳氏自論疫中之溫而仍不免糾纏不疫之
溫在戴氏則專論不疫之溫恐人於陽明溫熱之病誤用太
陽風寒之法特於書成時未加檢點仍沿俗說以瘟疫之名
名溫熱之病只與刪去論中屍氣腐氣等語及後幅大青龍
一方此外則絕無羈入瘟疫之處亦無夾雜傷寒之處余愛
其論之精而惜其名之誤乃於凡所稱時行疫癘者悉改之
曰溫邪其開首云世之治傷寒者每誤以溫熱治之治溫熱
者又誤以傷寒治之四語則余所綴也有此一提而所以作
書之意乃先於卷端揭清卽爲之改題曰溫熱論則此書實
足爲溫熱病正法眼藏矣元和陸懋修

序

六淫之氣中人爲病風寒尤甚蓋風者善行數變其勢猛急
寒者收引其氣堅凝故其病人也不假少貸而爲患至速各
家醫書均首列中風傷寒二門以示後學習是業者咸致力
於風寒以求諸病擴而充之觸類引伸固無所不該若執而
守之亦不免刻舟求劍而所遺實夥雖長沙有論後學註釋
繁多究使指歸不定以致溼溫時疫漏而不講迨吳又可瘟
疫論出稍使人知疫與傷寒同途異歸不可拘傷寒法而治
疫然其辨悉猶不若廣瘟疫論之提綱挈領曉暢明白能使
不習醫者洞然領略也予於庚寅偶得此書故友王村舟言

是書乃金陵前輩麟郊戴公存存書屋之稿本近爲儀徵鄭氏所刻發坊未久板已散失坊閒竟無覓處子每惜之庚子遷居北城得識國子學正戴敬咸先生乃知麟郊公乃先生之祖因叩及是書藏本與子所得者相校讐一字無訛雖鄭氏前刻未將存存書屋之來由道出情似掠美然非其剗剗流傳則子亦不得覩見而無由與敬翁先生探其本原也因聳愿梓行以繼前徽壬寅冬正在付梓尙未蕆工而敬翁先生忽嬰疾逝今其嗣君踵成其事囑予紀其本末子亦不敢以固陋辭謹序於後以敘麀郊公之作美於前而得其賢嗣繼美於後庶此不刊之書得以永垂天壤救濟生靈實可上

美長沙之功而庇醫林後學於不淺矣

乾隆四十八年歲次昭陽單閼氏皋月會稽沈懋發撰



序

張仲景傷寒論不祇爲傷寒一證而用也經絡腑臟表裏洞然善讀者誠擴而充之運用不窮故爲醫門聖書獨瘟疫一證治法又別其始末疑似之交非更有善本剖析精詳終不免毫釐千里之誤此洞庭吳氏之書所以紹仲景而獨闢其奧也況瘟疫病多眞傷寒病少其於濟世尤急舊稱長沙於傷寒論外兼有治疫之書而世遠失傳洵可惜也余弱冠習舉子業兼從田淑姜先生讀軒岐靈素諸書於吳氏瘟疫論頗曾究心嗣稽山家叔授以存存書屋廣瘟疫論鈔本知爲鄉先輩麟郊戴公所著命篇分類亦從吳氏書折衷而出內

增辨證八兼證五夾證十條分縷析尤爲壽世良法數年來
每於風雨雞鳴講明切究及臨證時覺有得心應手之妙益
信是書之爲功大也辛丑冬晤贈公文孫未堂先生幸得出
其藏本刊板行世庶可公諸海內用垂不朽並囑余誌其端
末爰敬跋數言以附卷後

乾隆四十七年歲次壬寅冬十月旣望江甯後學程家珏葵
百氏

自序

瘟疫一證歷代名哲具有成方如仲景有大青龍湯陽旦湯
越婢湯黃芩湯麻黃升麻湯諸條列瘟疫之見證爲汗法下
法和法雙解法輕重深淺纖毫備具特散見於諸經條中而
未嘗直指其名爲瘟疫非不欲明言也其書爲傷寒立論而
互爲區別之書非專論瘟疫之書且上古文辭簡易詳於辨
證而不詳於立名欲人從證上細辨則不必於名上區別而
自無混治之失嗣是而後河間有宣明五氣論則論瘟疫較
詳立法更備如桂苓甘露飲黃連解毒湯三已效方涼膈散
人參石膏湯雙解散諸方皆是而亦未正其名易老東垣大

羌活湯立方更備而亦無專書亦無特名至吳又可先生貫串古今融以心得著時行瘟疫一論真可謂獨闢鴻蒙揭日月於中天矣顧其書具在而時賢有未見而不用其法或雖見而不能信者無怪矣有口誦其書嘖嘖稱道而對證書方仍多不用其法口則曰此時證也而手則仍用傷寒之方拘傷寒之法者比比皆然愚揣其情必非知而不用也知其名而未得辨證之法耳愚目擊心傷不揣固陋而取吳子之原本或註釋或增訂或刪改意在辨瘟疫之體異於傷寒而尤慎辨於見證之始開卷先列辨氣辨色辨舌辨神辨脈五條使閱者一見瞭然則吳子之書人人可用而瘟疫之橫天者

少生全者多誠斯世斯民之幸也上元戴天章磨郊甫識於
存存書屋

乾隆四十八年歲在癸卯夏五月望日

孫男嗣琦謹書

跋

先大父北山先生以通儒邃醫學所論著傷寒雜病諸書及
咳論註瘧論註廣瘟疫論凡十數種皆先世父雪村先生行
楷細字錄存於家近書坊中有刻本瘟疫明辨四卷祖啟麟
閱之卽先大父存存書屋廣瘟疫論也雖易其名未曾改竄
其文不知何誤刻爲歛縣鄭某之書在先大父固不爭此而
子孫見之不容不正也因出存存書屋原本較而刻之以糾
僞傳廣先德因歎傷寒一書註者百家至程郊倩獨闢鴻蒙
復有慈溪柯韻伯論翼出而傷寒之書觀止矣瘟疫一證古
無成書至吳又可實爲獨闢鴻蒙更有先大父此書出而瘟

疫之書歎觀止矣事固有更閱數千年而後得所折衷者此
類是也代生名賢民何幸歟

乾隆四十七年歲在壬寅七月望後二日孫男祖啟謹跋

予將見之不容不玉也因出卦書星頭本鍾而跋之以
其次不暇再題跋為始陳陳某之書卦書大父固不佞也而
師之明矣大父亦書星頭本鍾而跋之以鍾其旨未曾如
師之明矣發其效矣書世中育岐本鍾而跋之以鍾其旨
之始結氣始結氣應命凡十幾餘皆大父書林於世不
大父非山夫也以其能讀醫學也始書星頭本鍾而跋之



上元縣志

戴天章字麀郊邑庠生少師林青雷習舉子業好學強記
所讀經史能通部逆背如瓶瀉水壯爲文干祿不足爲所
求有用之學自天官地理算數射弋以及書畫琴碁之類
無不探微極要尤精醫理博覽深思活人無算謝之金揮
不受四方淹雅名流至必下榻請教友朋中或來就食更
贈餘資歸而舉火課諸子督以勤苦力學晚號北山學者
稱北山先生長子瀚字巨川雍正元年癸卯一甲第二人
恭逢

覃恩

敕贈文林郎翰林院編修晉贈中憲大夫乾隆辛卯孫翼子

官御史再遇

覃恩

貤贈朝議大夫如其官

滿子晉以健苦代學如與北山學

不受四代新郭各裁至必不歸壽終丈眼中短來豫食更

無不慰慈慈莫大誅醫胆朝買點思甜人無食備之金壯

求百思之學自天官賦賦食娘娘少以天得畫琴基之談

湖頭發史朝通將渡背收賦滿水却為文子額不似於湖

樓天章中與校付與公少時相見時車下幾設舉酒臨



南京中醫藥大學圖書館版權所有

廣溫熱論目錄

卷一

辨氣

辨色

辨舌

辨神

辨脈

辨溫熱與風寒異氣

辨溫熱與風寒異受

辨傳經

兼寒

兼風

兼暑

兼瘧

兼痢

夾痰水

夾食

夾鬱

